



2019/20

Reglament davart las structuras dil di

SCOLA SEDRUN



Reglament davart las structuradas dil di

Introducziun

Sin fundament dallas midadas da structuradas famigliaras ei la damonda per purschidas supplementaras da tgira per affons carschida considerablamein. Tenor la lescha da scola ei il cussegl da scola obligaus da metter a disposiziun ina purschida che corrispunda als basegns dallas famiglias pertuccadas.

Duront las uras da bloc ei la survegionza dils affons gratuita. Pil diever da structuradas dil di supplementaras sco era purschidas da tgira (avon scola, sur miezdi ni suentermiezdi) vegn pretendiu ina contribuziun finanziaria. La participaziun a quelladas purschidas ei denton voluntaria.

Per liquidar ils pensums da casa metta la scola a disposiziun locals adattai cun ina infrastruttura bein endrizzata. Alla meisa da miezdi vegn purschiu in nutriment sanadeivel ed adattau per affons.

Finamiras e perscripziuns

Las ulteriuras structuradas dil di duein sustener ils geniturs en lur pensum da tgira e d'educaziun. Vinavon duein quelladas purschidas promover l'egualitad dils affons da differentas derivonzas socialas sco era culturalas. Las purschidas da tgira corrispundentas alla vegliadetgna ed al svilup lubeschan als affons da sefatschentar cun sesezs sco era da s'occupar cun auters affons.

Leschas da basa

Per las purschidas dallas structuradas dil di valan las perscripziuns dalla lescha da scola, dall'ordinaziun dallas ulteriuras structuradas dil di sco era dalla lescha dalla promoziun dalla tgira complementara per famiglias dil cantun Grischun.

1) Basegns

In basegns ei indicaus, sche minimum otg scolaras ni scolars s'obligheschan da far diever d'ina certa unitad d'assistenza pìgl entir onn da scola. (art. 6, ordinaziun davart structuradas dil di).

Il basegns vegn eruius mintg'onn sin la fin digl empren semester (art. 6, ordinaziun davart structuradas dil di).

2) Temps d'avertura

La structuradas dil di vegnan purschidas duront las jamnas da scola:

- mardis allas 11.45 - 18.00 uras
- gievgia allas 11.45 - 13.30 uras

3) Activitads

Las suandontas activitads vegnan purschidas e survegladas correspudent alla vegliadetgna:

- gentar communabel
- far in paus
- termagliar (zambergiar, malegiar etc.)
- activitads sportivas
- far pensums

4) Purschidas pils onns 2020/21 e 2021/22

L'entschatta digl onn da scola 2020/21 vegn purschiu, independent dil diember d'annunzias, ina purschida d'in suentermiezdi e dus gentars.

Purschida dil mardis:	07.45 - 08.15	surveglonza temps d'arrivada / d'entrada
* la meisa da miezdi ha era liug la gievgia	08.15 - 11.45	uras da bloc
	11.45 - 13.15*	meisa da miezdi, residenza Dulezi
	13.15 - 18.00	activitads survegladas

unitad	da	fin	gliendisdis	mardis	mesjamna	gievgia	venderdis
1	07.30	08.15		<input type="checkbox"/>			
2	11.45 - 13.15			<input type="checkbox"/>		<input type="checkbox"/>	
	Meisa da miezdi sper ils cuosts d'unitad + 8.- per gentar						
3	13.15	14.00		<input type="checkbox"/>			
4	14.00	15.00		<input type="checkbox"/>			
5	15.00	16.00		<input type="checkbox"/>			
6	16.00	17.00		<input type="checkbox"/>			
7	17.00	18.00		<input type="checkbox"/>			

5) Annunzia per las structuradas dil di

Ils geniturs inoltreschan l'annunzia sil termin indicau alla scola. Culla sottascripziun sil formular d'annunzia confirman els dad haver priu enconuschientscha e dad esser d'accord cul reglament correspondent e cullas tariffas. L'annunzia ei ligionta e vala mintgamai per in onn da scola.

6) Annunzias per participaziuns sporadicadas

Annunzias per participaziuns sporadicadas per la tgira da miezdi ein pusseivlas sche:

- a) avunda plaz ei avon maun
- b) l'annunzia ei succedida sil pli tard il di avon entochen las 9.00 uras
- c) ils geniturs ein prompts da pagar las taxas dil scalem 6 (*veseivel sin la tabella dallas tariffas*)

Sin giavisch dat ei cartas pil gentar communabel en fuorma da 5 e 10 abbonaments senza dretg da restituziun. Las annunzias per participaziuns sporadicadas ein mintgamai da pagar bar.

7) Abdicaziun, extrada e midadas

La valur dil contract da tgira cuoza mintgamai senza abdicaziun entochen la fin digl onn da scola.

8) Presenza ed absenzas dils affons

Per affons annunziai ei la presenza obligatoria. Per absenzas e congedis valan las medemas reglas sco per la scola. Senza in'absenza han ils affons da cumparer punctualmein el liug indicau.

Ils geniturs ein obligai d'annunziar absenzas alla persuna responsabla sco suonda:

- **Absenzas prevesiblas** ein da comunicar il di avon entochen las 12.00 uras. (*p.ex. negina scola, camps, viadi da scola etc.*)
- **Absenzas nunprevesivlas** ein da comunicar ton pli spert, denton avon che la purschida entscheiva. (*p.ex. malsognas, accidents, eveniments nunspitgai etc.*)

Sch'in affon cumpara buc al gentar communabel sche s'annunzia la pesuna responsabla dalla tgira directamein tiels geniturs.

Sch'in genitur sa excepziunalmein buca vegnir per siu affon sch'ei quei d'annunziar alla persuna responsabla. La persuna che va lu pigl affon ha da s'identificar.

9) Exclusiun dad in affon

Sch'in affon manca repetidamein senza perstgisas ni sche las pretensiuns dil cumpurtament vegnan buc ademplidas, dat ei in discuors culs geniturs. Sch'ei dat negina migliuraziun partenent il cumpurtament, sa la scola excluder la scolara/il scolar temporarmein ni definitivamein dallas structuradas dil di.

In'exclusiun temporara deliberescha buc ils geniturs dils cuosts obligatoris. Las tariffas ston era vegnir pagadas durant il temps d'exclusiun.

10) Organisaziun dils transports

La scola porscha ils transports usitai (la damaun, da miezdi e la sera tenor urari dil bus da scola). Fa in affon diever dallas structuradas dil di ordeifer igl urari da scola, ein ils geniturs responsabels pils viadis.

11) Communicaziun

La persuna da da tgira ei la persuna da contact/communicaziun pertuccont las structurass dil di el mintgadi. En cass da damondas organisatorias, finanzialas etc. surpren il meinascola quella funcziun.

12) Reclamaziuns / Recuors

Reclamaziuns pertuccont las structurass dil di ein dad inoltrar alla direenziun da scola. **Encunter decisziuns dallas structurass dil di sa vegnir fatg recuors enteifer 10 dis al cussegl da scola.**

13) Quen e pagament

Ils cuosts pil diever dallas structurass dil di vegnan mintgamai tschentai a quen posteriuramein fin schaner e fin zercladur. La summa vegn calculada cun il diember effectiv dils dis da scola, exceptiu ils firai ed ils dis da punt.

En cass d'absenzas (inclusiv esser malsauns) dat ei da principi negina reducziun dil quen.

14) Tariffas/Regulaziuns da pagament

Las tariffas actualas ein fixadas ella survesta da tariffas alla fin da quest reglament.

Plazzas annunziadas ein reservadas e ston vegnir pagadas.

Ils cuosts ch'ils geniturs ston surprender sedrezzan tenor la capacitat finanziaria economica. La basa da calculaziun ei fixada ella tariffa da taxas tenor annexa.

Tier pèrs maridai ni tier pèrs en concubinat ein las entradas e facultads dad omisdus da risguardar.

Sche plirs affons dalla medema famiglia fan part alla tgira da miezdi vegn concediu in rabat da fargliuns. La classificaziun succeda entras igl uffeci da taglia. Sch'ils geniturs ein buca d'accord culla decisiun digl uffeci da taglia, sche vegn ei quintau tenor il scalem da tariffa 6.

En cass d'in avis dil diever duront igl onn current dat ei negin dretg da restituziun.

Las annunzias per participaziuns sporadicas ein mintgamai da pagar bar. Sin giavisch dat ei era cartas pil gentar communabel en fuorma da 5 e 10 abonnaments senza dretg da restituziun.

15) Survesta da tariffas pils geniturs

Scalem da tariffa	Entradas (netto)	Contribuziun dils geniturs, in affon per unitad	Contribuziun dils geniturs, dus affons per unitad	Contribuziun dils geniturs, treis affons e dapli per unitad
1. scalem	> frs. 40'000.-	frs. 1.50/affon	frs. 1.00/affon	frs. 0.50/affon
2. scalem	> frs. 40'001.- < frs. 60'000.-	frs. 3.00/affon	frs. 2.50/affon	frs. 2.00/affon
3. scalem	> frs. 60'001.- < frs. 80'000.-	frs. 4.50/affon	frs. 4.00/affon	frs. 3.50/affon
4. scalem	> frs. 80'001.- < frs. 100'000.-	frs. 6.00/affon	frs. 5.50/affon	frs. 5.00/affon
5. scalem	> frs. 100'001.- < frs. 120'000.-	frs. 7.50/affon	frs. 7.00/affon	frs. 6.50/affon
6. scalem	< frs. 120'001.-	frs. 9.00/affon	frs. 8.50/affon	frs. 8.00/affon

Sch' ils geniturs vegnan repetidamein memia tard per lur affon vegn gl'emprem admoniu a bucca. Tiel proxim eveniment vegn tschentau in quen da tochen frs. 200.00.

Il **gentar cuosta frs. 8.00**. L'ustria tschenta quen per 10.- e la vischnaunca surpren la differenza da frs. 2.00.

- Sco basa da calculaziun valan las entradas ord: gudogn independent e dependent, segiradas socialas ed autras segiradas, contribuziuns d'aliments, vaglias e dabiens plus 10% dalla facultad netto tratg giu frs. 10'000.00 per il 2. affon e mintgamai frs. 5'000.00 per il 3. affon e daplirs.
- La reducziun da frs. 0.50 tier dus affons respectiv frs. 1.00 tier treis a daplirs affons vegn quintada tier mintga affon.

Exempel:

Dus affons fan part alla purschida mintgamai gliendisdis e gievigia; ils geniturs han in'entrada netto da frs. 65'000.00 sut risguard dalla reducziun d'affons da frs. 10'000.00.

- basa da mesiraziun:** frs. 65'000.00 = 3. scalem
- calculaziun dalla contribuziun dils geniturs:**

$$2 \text{ SeS} \times \text{frs. } 7.50 \times 2 \text{ dis} = \text{frs. } 30.00 / \text{jamna ni frs. } 120.00 / \text{meins}$$

16) Segiradas

Affons ch' ein annunziai ufficialmein per la purschida da structuradas dil di ein segirai entras il purtader da scola, conform agl ulteriur temps da scola.

Ils affons e giuvenils ston vegnir segirai encunter accident, malsogna ed encunter assicuraanza da responsabladad. Caschuna in affon/giuvenil in donn, ein ils geniturs responsabels en caussa. Per caussas piarsas ni donnegiadas supren la scola Sedrun negina responsabladad.

17) Collaboraziun cullas autoritads d'educaziun (Erziehungsberechtigten)

La direcziun dallas sctstructuras dil di ed ils geniturs informeschan in l'auter concernent svilups e singularitads impurtonts. Sch'igl affon ha allergias ni sch'el sto prender regularmein medicaments sto quei exnum vegnir indicau alla direcziun. Sch'in affon ein absents per differents motivs vegn quei communicau tenor punct 4) Presenza ed absenzas dils affons.

Sch'in affon ha in accident durant il temps da tgira vegnan ils geniturs informai immediatamein ed igl affon vegn purtaus tiel miedi da scola pil tractament medicinal ed accumpignaus tochen ch'ils geniturs arrivan.

18) Entrada en vigur

Il reglament entra en vigur cun gl'emprem da december 2019.

Pils onns suenter l'emprova digl onn 2020/21 e 2021/22 vegn concludiu davart midadas dallas structuras ed elaborau in concept da gestiun sco era in concept pedagogic.

Approbaus dil Cussegl da scola e dil meinascola ils 16 da december 2019 e valeivels retroactiv naven dils 1 da december 2019.